

**Javna ustanova Srednja ugostiteljsko-turistička škola
Public institution Secondary school of hospitality and tourism**

Broj: 01-3-809/20

Sarajevo, 23.10.2020. godine

Na osnovu odredbi člana 137. Pravila Javne ustanove Srednja ugostiteljsko-turistička škola Sarajevo, a u skladu sa Naredbama Ministarstva zdravstva Kantona Sarajevo i Uputstvom Ministarstva za obrazovanje, nauku i mlade Kantona Sarajevo broj: 11-34-31987-8/20 od 22.10.2020. godine, za vrijeme važenja Uputstva, direktor Škole donosi:

ODLUKU

I – Utvrđuje se proces rada Javne ustanove Srednja ugostiteljsko-turistička škola za vrijeme važenja vanrednog stanja radi nepovoljne epidemiološke situacije, u periodu od 23.10. do 06.11.2020. godine, a u skladu sa Uputstvom o organizaciji i realizaciji odgojno-obrazovnog procesa broj: 11-34-31987-8/20 od 22.10.2020. godine i Metodologijom realizacije online nastave u Kantonu Sarajevo sa smjernicama za izradu digitalnog obrazovnog sadržaja i praćenje, vrednovanje i ocjenjivanje učenika/ca, kako slijedi:

1. Nastavno osoblje općeobrazovne i stručnoteoretske nastave realizovati će online nastavu prema važećem Rasporedu časova ove Javne ustanove za školsku 2020/2021. godinu, radom od kuće, te poslove redovnog vođenja pedagoške dokumentacije i evidencije u sjedištu Škole pridržavajući se preporuka Zavoda za javno zdravstvo KS i propisanih mjera od strane Kriznog štaba Ministarstva zdravstva KS.
2. Nastavnici praktične nastave će realizovati praktičnu nastavu u školskoj radionici hotel "Nacional" prema važećem Rasporedu časova ove Javne ustanove za školsku 2020/2021. godinu, pridržavajući se preporuka Zavoda za javno zdravstvo KS i propisanih mjera od strane Kriznog štaba Ministarstva zdravstva KS.
3. Učenici će obavljati praktičnu nastavu u privrednim objektima sa kojima Škola ima potpisan sporazum o saradnji prema važećem Rasporedu časova ove Javne ustanove za školsku 2020/2021. godinu, pridržavajući se preporuka Zavoda za javno zdravstvo KS i propisanih mjera od strane Kriznog štaba Ministarstva zdravstva KS.
4. Online nastava će se odvijati putem online platforme koju Škola koristi za realizaciju online nastave, uz optimalnu upotrebu audio i/ili video komunikacije sa učenicima, prema Instrukcijama Ministarstva za obrazovanje, nauku i mlade Kantona Sarajevo.
5. Škola će, u skladu sa epidemiološkom situacijom organizovati online instruktivnu nastavu za vanredne učenike za općeobrazovne i stručno-teoretske predmete, te praktičnu nastavu za vanredne učenike u školskoj radionici hotel "Nacional, pridržavajući se preporuka Zavoda za javno zdravstvo KS i propisanih mjera od strane Kriznog štaba Ministarstva zdravstva KS, nakon koje će organizovati polaganje dopunskih/razrednih ispita prema Instrukcijama Ministarstva za obrazovanje, nauku i mlade KS.

6. Stručni saradnici u nastavi, saradnici na pravnim i ekonomskim poslovima, administrativno i tehničko osoblje obavljati će svoje redovne zadatke u sjedištu Škole pridržavajući se preporuka Zavoda za javno zdravstvo KS i propisanih mjera od strane Kriznog štaba ministarstva zdravstva KS, te po potrebi radom od kuće.
7. Komunikacija radnika, kao i komunikacija nastavnika i učenika, odnosno njihovih roditelja/staratelja će se obavljati telefonskim i elektronskim putem, po potrebi u sjedištu Škole, a važna obavještenja za učenike, odnosno njihove roditelje/staratelje i treća lica, bit će blagovremeno objavljena na web portalu ove Javne ustanove.

II - Ova Odluka stupa na snagu danom donošenja, a stupanjem na snagu ove Odluke prestaje da važi Odluka broj: 01-3-793-1/20 od 20.10.2020. godine.

D I R E K T O R

Fatima Hodžić Omerović

Odluku dostaviti:

1. Oglasna ploča x2;
2. A/a.